


250.89
38
3/2
38
12



宜春縣志

宜春縣志卷十

雜類志

學者博觀載籍必考信於六藝故碑官野史其文不雅
馴薦紳先生難言之然掌故所係亦未可存而不論也
宜邑山川幽邃仙跡禪宗迭著神異至於慶雲有表瑞
禾有圖以及名賢邱壠畸人軼事雜而取之不類而類
庶竊附于酉陽雜俎癸辛雜記之義云爾

仙釋

仙

晉

宜春縣志

卷十

雜類

仙釋

楊慧字法道陳耽字歸真俱本邑人與萍鄉易退字楠隱
者結廬萍鄉之九嶷山煉氣朝夕不倦越二十年
丹成永嘉九年正月既望皆凌雲去置九嶷觀祀之宋
政和中有司以聞封真人 載安志

鄧表本邑人嘗修煉於小仰山又號鄧表峰有星壇石臼
藥竈湖岡臺上即表故宅山頂有丹臺丹池及禮斗石
載名勝志

唐

袁天罡益州人父璣梁州司倉祖崧仕周歷犍為蒲陽二
郡守車騎將軍曾祖達仕梁江黃二州刺史仕周歷天



水懷仁二郡守昱少孤貧好道精於象數歷驗不爽隋
大業中爲資官令唐武德初蜀道使詹俊赤牒受火井
令嘗登山相縣治後人因名其山爲相臺一日高士廉
問大昱曰君終何官曰火井令及夏四月數將盡矣如
期果以火井令卒子德師精父術亦以神異聞於世載
唐書及史畧

伊用昌不知何許人與妻乞食多在江右廬陵宜春諸處
出語輕忽常爲人毆擊呼之爲伊瘋子愛作望江南詞
與妻唱和詞皆有微旨妻有殊色富豪子弟以言笑戲
調不可犯後至南城縣丐死牛肉食之死後有人見之

宜春縣志

卷十

雜類 仙釋

二

者夫妻皆躡虛而行發視所埋處惟有爛牛肉無別物
載全唐詩

南唐

沈彬本邑人唐末浪跡湖湘隱雲陽山好神仙善賦詩烈
祖輔吳表授秘書郎與元宗遊俄懇還以吏部郎致仕
元宗遷南都彬年八十餘來見厚賜紫帛以其子元爲
秘書省正字次子鱗性至孝廬墓感烏來巢之異

按陸游南唐書載彬高安人以吏部郎中致仕年八十
餘嘗杖策郊原手植一樹識之語其子曰吾當藏骨於
此及卒伐樹掘地至丈餘得一石槨製作精麗光潔可

鑿蓋上有篆云開成二年壽榘舉棺就之廣袤中度江南野史載彬年將八十近居阜上有大樹可數拱嘗指示家人曰吾死可葬此及卒穴其處乃古塚耳見一古燈臺有漆燈一盞壙頭獲一銅牌有鐫篆云佳城今已開雖開不葬埋漆燈猶未滅習待沈彬來稽神錄載彬吳興人一統志載彬墓在京口丹陽縣廣輿記載彬墓在瑞州府城西北通志據南唐書載在高安宣政鄉惟府縣前志俱載彬宜春人考陳節墓誌銘宜春石裏鄉境在南唐以前屬高安縣萬載鄉後宋以萬載鄉爲場又升爲縣割隸袁州似彬以高安宜春互書或爲石裏

宜春縣志

卷十

雜類 仙釋

三

鄉人亦未可知

沈鱗字廷瑞一字紫庭尙書郎彬子學道於玉笥山常衣單褐風雪不易跣行日數百里林棲露宿老而不衰嗜酒工詩自號爲沈道者常直造縣宰之坐宰不怪戲之曰沈道士何時成道鱗應聲云何須問我道成時紫府清宮自有期手握藥苗人不識體含仙骨俗怎知書符解遣龍蛇走動印還教海岳移他日丹青誰是侶青童引駕紫雲隨宋雍熙二年有闔山道士曾昭瑩訪玉笥途中遇廷瑞因問曰道者何之答曰暫到元都尋當入廬山遺度人經二卷詩一篇與昭瑩云南北東西事人

間會也無昔曾樓玉笥今日返元都雲片隨天闊泉聲
落石孤丹霄人有約去探石菖蒲昭瑩訝其語不凡入
宮首訪之其徒云羽化驗其墓有穴可尺餘向左畔開
視之惟見空棺穴旁得紙片遺詩云虛勞營殞玉山前
殞後那知己蛻蟬應是元神歸洞府更無遺魄在黃泉
靈臺已得修真訣塵世空留悟道篇堪嘆浮生今古事
北邙山下草芊芊全唐詩序及真仙通鑑

馮觀國邵武人號無町畦道人幼警悟習儒業既冠游方
外刻意神仙術遇異人傳授得導引內丹之法凡天文
地理性命禍福之妙皆不學而精人呼之曰馮顛好吟

宜春縣志

卷十

雜類 仙釋

四

詩嘗遊宜春挾術行市人或譏其醉狂以詩謝云路遍
紅塵四百州幾多風月是良儔朝來應笑配顏叟道不
相侔風馬牛又述懷詩云落魄塵寰觸處然深藏妙用
散神仙筆端間作龍蛇走壺裏常挑日月懸謾說人倫
來混世只將酒盞度流年潛修功德歸何處笑指瀛洲
返洞天紹興二十三年季春十四日端坐作偈而逝郡
守李觀民命塑其真身於治平宮後移澄心觀

載上高志

宋

羅昇本邑人少貧業屠狗晚遇異人授以方術年幾百忽
一日辭親戚奄然逝後有見昇賣藥瀏陽市中寄書

人歸乃其沒之明日時政和八年

周貫不知何許人白號本雁子治平熙甯間至袁州見市井李生者有秀韻欲攜同歸林下而李嗜酒色意欲不從貫指畫藥鐺作偈示之曰頑鈍天教合作鐺縱生三脚豈能行雖然有耳不聽法只愛人間戀火坑尋死於西山將化人間其幾何歲貫曰八十西山作酒仙麻鞋輒斷布衣穿相逢甲子君休問太極光陰不計年後有人見於京師橋付書於袁州李生云我明年中秋夕時當上謁也至時果造李生時以事出乃以白土大書其門而去曰今年中秋夕來赴去年約不見破鐵鐺彈

宜春縣志

卷十

雜類 仙釋

五

指空剝剝後李生竟墮馬折一足

元

黃東美不知何許人嗜酒落魄人異之有贈黃美人詩輕盈逸宕既卒有人自湖外見之寄聲邑里間舊游方知其尸解

盧祝二仙其名爵里居與得道年月均無考相傳一姓盧一姓祝北門城下秀江有潭深窈莫測多水怪城屢傾塌二仙嘗顯靈降伏因立廟鎮之

明

鍾氏牧童薦裏鄉庚溪人其鄉有書寶臺高峯筆立峯頂

巨石類楸杵音童見二人對奕終日不飲食異之歸告
母母作飲饌命覓之再三酬以二桃屬童食一以一遺
母及半嶺食之苦甚並擲叢莽他日詢遺母否語以故
仙爲惋惜謂桃異時成樹遇大旱登樹呼風雨立至果
符所屬未幾童尸解體盡金色鄉人立廟塑象山巔禱
雨輒應廟今圯遺址尙存

釋

唐

普明祖師本邑人俗姓彭名遜前娶三妻秦氏藍氏趙氏
子三圓明圓正圓覺修煉萍鄉之瑤金山有淥水洞靈

宜春縣志

卷十

雜類 仙釋

六

丹井性豪邁類狂人世號顛仙曾緣事坐遣扶桑楊典
史械送三年始至其地次日師告歸楊曰師有術朝發
夕至如我何師授以薑囑可療小兒腹疾博養殮比近
宜境擲薑於彬江至今薑山以仙種得名師自釋歸再
修煉於宜春臺瑤金庵著有圓明正宗二卷將得道囑
徒以金鼎罩於秀江火熬七日卽成佛至第六日眾徒
啟視師猶坐遂投河去其鐘內四面均現有爪痕經迹
唐開元間勅封天人教主宣授佛慈普濟大師仁慶玉

佛

智常禪師俗姓劉名常進本邑人馬祖法嗣自有重瞳以

藥手按摩致目皆俱赤號赤眼歸宗後示寂勅諡至真禪師

慧寂韶州懷化人姓葉九歲於廣州和安寺投通禪師出家十四披剃未登具卽遊方初謁耽源應真真曰國師當日傳得圓相七十九箇乃六代祖師所留也授老僧曰吾滅後三十年南方有沙彌來到大興此教次第傳授無令斷絕今適子來當以付之師旣領元旨後參馮山遂升堂奧會昌元年至袁之仰山創庵以居後有僧乘空至曰特來東土禮文殊卻遇小釋迦就講論大有所契逐出梵書貝多葉數十與師作禮騰空而去梁貞

宜春縣志

卷十

雜類 僧釋

七

明二年遷東平說偈抱膝而終法嗣光通遷骨歸仰山塔於集雲峰下諡智通禪師妙光之塔嗣馮山祐禪師法道盛化人皆宗之曰馮仰宗

僧虛中本邑人住湘西栗成寺有碧雲集一卷

詳軼事

善道可文法嗣也住木平山師肉髻螺紋金陵李氏嚮其道迎請供養待以師禮異跡頗多嘗咒飯飼龍後人爲建飼龍亭沒後謚真寂禪師塔曰普慧

僧全付會稽人隨父估豫章聞禪會之盛求出家遂抵宜春仰山禮南塔已而還東府文穆王特嘉禮重賜紫方袍不受改賜衲衣號純一禪師天福二年東府戎將爲

闕雲峰山建院名曰清華開運中坐逝有大風振林下
踰時乃定

宋

法普仁壽人幼不茹葷精勤踐履苦行卓然居卻山四方
緇流多從之宰相張商英聞於朝賜紫方服後杖錫雲
遊久之復歸居靜惠室有僧在其中夜夢神告曰此非
爾所覺卽遷別舍明日法普至而居之宣和初召住嶽
麓辭不往作頌而逝

德一本邑人九歲出家詣仰山參簡禪師後雲遊四方禱
雨輒應有云振法雷擊法鼓布慈雲灑甘露又云此看

宜春縣志

卷十

雜類 仙釋

八

長空垂巨澤直教四海盡豐登紹興末忽作頌擲筆而
逝

牧庵鄞人性專靜參佛眼禪師造次不忘提撕後登廬阜
結茅衡嶽以棲

雲巖舜禪師世姓胡本邑人以皇祐間住廬山棲賢寺仁
宗聞其道行復以僧服寵錫賜銀盃再領棲賢住持戒
律精嚴

普庵祖師諱印肅本邑人俗姓余宋政和中生石裏鄉太
平里生之夕有祥光之異甫六歲夢一僧點其胸曰汝
他日當身省師悟以白母母視其點紅瑩大似世之纓

珠遂許師出家年二十七祝髮禮壽隆院賢和尚爲師
賢授以法華經典師曰諸佛元旨唯貴心悟數墨尋行
何益於事乃辭賢游湘聞牧庵忠公倡道瀉山因問萬
法歸一一歸何處牧庵豎拂示之師有省歸壽隆脅不
沾席者十二載一日閱華嚴經至李長者達本忘情知
心體合論豁然大悟曰我今親契華嚴境界矣卽述偈
曰捏不成團撥不開何須南嶽又天台六根門首無人
問惹得胡僧特地來後有僧稱道存自蜀冒雪訪師旣
見相與徵詰與義僧曰師再來人也大興吾道非師其
誰因指雪書頌而別師之往壽隆也鄰有慈化院者僧徒

宜春縣志

卷十

雜類

仙釋

九

數千人建炎初經火眾稍散至是迎師居之凡四方慕
道來者師隨機引誘其以災患疾苦請或書頌或料水
與之無不立驗有人赴總管府首師妖者巡司奉檄勾
師師至見一龍乘雲下須臾風濤生屋底白晝晦冥巡
司叩頭謝譴具以狀呈府府守李姓者善雷術聞之益
信以爲妖抵院曰假汝壇場施吾法事行之三日雷無
應抱慚歸師云將天鼓相送忽有雷從北方起雷雹交
作守投師懺悔乃止師見朝謁旁午乃離院潛入南山
石巖下靜坐歷二載無有知者楚丁驥劉汝明故與師
結方外交夜望南巖上有光徹天曰此必師所在也相

與披榛覓路既遇師但見龍虎吟嘯響振巖谷二人大
生驚怖師叱畜生且化身來勿驚檀越二人乃請師還
山移向南泉中降伏邪魔重建梵宇己丑七月二十一
日卒永樂十八年詔封師普庵至善宏仁圓通知慧寂
感妙應慈濟真覺昭貺惠慶護國宣教大德菩薩今其
地爲慈化寺萬曆卅四年僧聞秀赴京奏請藏經勅
賜全藏六百七十八函勅二道賜金七十五兩并紫衣
寶旛至四十五年賞歸來寺

會禪師姓冷住楊岐山中右楮大巖一大蛇常入寺盤繞
師側受師戒或遣去則不敢少留有縣尉欲以非意加

宜春縣志

卷十

雜類 仙釋

十

之蛇輒張目向前尉怖謝知爲精戒律禪師

元

行偉仰山禪師受賢首宗於大三藏成名謁南禪師有省
師律已甚嚴燕坐忘夜旦占一室謝絕交游元豐三年
示寂閣維得五色舍利骨石拴索鉤連塢于寺之東

指月錄

僧自然相傳於石庵得道白日冲舉

國朝

僧定空兗州人欲往南嶽經袁州見大仰明月諸山聳霄
漢遂從山峭壁登絕頂頂平曠日居古樹下靜坐採藤

者見之驚爲神里人相與覆茅以居苦巨石當道一日
迅雷闢石道坦人愈異之時亂未定每告人曰天下自
此太平矣已而我

朝定鼎號其山爲太平山今太平山寺以定空爲闢山祖
師云

破石和尚揚州人先住博山抵袁山住太平大仰蟠龍楊
岐諸寺後因袁忠毅買山置庵乃習靜於鄧尖峰智慧
益開凡未來時事豫言之靡不立驗晚年居湖岡臺卒
僧其慧光州袁氏子徯瑜安福周氏子俱住湖岡山寺戒
律頗嚴其參付諸偈語語透出宗旨

宜春縣志

卷十

雜類

仙釋

十一

僧永光住橫塘錫嘏寺中天姿明敏通文理清淨自守從
不干預外事尤工詩士大夫多愛慕之至今傳其早秋
詩有無端昨夜來孤雁叫破寒山幾度鐘之句

僧達拳住小吉山慈雲庵性清淨寡欲嘗坐方丈於慈化
寺中十年知縣黃河清甚器重之人皆呼爲杲和尚著
有皖堂詩文集語錄十四卷

曰岳禪師俗姓黃本邑徐潭村人也幼慕道宋景祐間出
家禮馬祖爲師靜修於本村桐木嶺白雲菴屢見峯頂
山祥雲叠出因往結茅居焉卽今東庵月光寺基是也
嘗飼龍於池穰災祈雨無不立驗於是四方縱流爭求

指引有司馬頭陀三遠來訪師師因讓西庵以居且於山前後建菴三百六十今俱圯示寂後塋西庵側蛇形塚傍忽生竹日掃其墳鄉人益神塑像祀之 國朝乾隆間潘姚七求嗣得子因捐田以助香火至今大旱禱雨猶靈應如響云

僧光能住本邑祥隆寺俗姓曾安福人幼聰慧生即不苟葦來宜出家紹臨濟之正派寡笑言常危坐終日不倦長恪守清規惟嗜詩書通經典此外澹如也嘗寄情吟咏與士大夫唱和甚夥邑中浣花樓十笏齋俱梓其詩咸豐辛亥癸丑坐方丈於本寺戒律精嚴透悟元旨後

宜春縣志

卷十

雜類 仙釋

三

庚申端坐而逝

覺圓上人廬山道行僧也俗姓何本竹亭素封子幼敏慧解悟宗旨及長祝髮於開先寺一時名公顯宦相與爲布施贈答不啻遠公蓮社矣後何族以首邱義勸之歸因卓錫於近村大沙塘之茅菴自豎額曰金沙寺終日閉關誦經琴聲茗椀視桑梓漠如也嗣因改擴寺基鳩工啟土乃忽獲藏鏹數千上皆鑄有真沙古寺字樣衆咸驚異殆佛氏所謂前因者歟

塋墓

漢

侍御史陳重墓

在邑東雞足山與鄱陽雷義同葬按雞足山今屬分宜

高士袁京墓

在城北五里袁山之

晉

丁將軍墓

在城南十里地名鑿銅岡按丁將軍不詳其里居姓字郡邑前後志止云宋初削

平僭偽而其墓均為列入疑非無自但舊傳銘銅灌頂之說未免失之荒渺

梁

僕射左丞相袁璞墓

在城北袁山又通志府志載袁山因高士袁京隱居于下卒

葬其側故名寰宇記亦載高士墓在袁山下則是璞與高士俱葬袁山今高士塚已失

陳

散騎常侍湛陀墓

在城東三十里載明一統志

唐

大理評事易重墓

在集雲鄉李家坊石碑羅圍

袁超墓

在府治垣西北三十步俗指為袁天罡墓非是

雜類 塋墓

宜春縣志

卷十

太尉湯迪墓

在城南七十里仰山龍形尾

吉州刺史盧肇墓

在分宜縣北六里文標鄉

徵君彭構雲墓

在城東上村嶺乾隆六年江西布政使司河南夏邑裔孫家屏立碑

都官鄭谷墓

在袁山門外江北嶺下祖無擇有誌銘

御史黃頰墓

在縣北五里湖塘

宋

信王夏協墓

在城南蟠龍山乾隆二十五年知府陳廷枚為修墓立碑

屯田員外郎李衢墓

在城西三十里

朝議大夫李觀墓

在城南三十里龍會按府志萬載雙坑亦有李觀墓

大理評事袁孝顯墓

在善和鄉韓塘牛車下

刑部郎中趙汝燧墓

在長豐山麓劉克莊誌銘

明 尚賓館副使劉迪簡墓 在城北 縣學背

太常寺卿龍遲墓 在城南通 聖橋勅葬

主事蕭義墓 在城北遷喬 鄉焦坑嶺

知府龍夔墓 在城東大安 里金雞山

行人司正袁魯訓墓 在橫塘人形 背鵝子形

副都御史高琬墓 在城東南 澤坵勅葬

蔚州同知楊伯憲墓 在信義鄉渥 江蓮花形

侍郎郭紳墓 在城南福昌 里青山勅葬

副都御史張鳳墓 在青 山

御史楊以誠墓 在白 石里

宜春縣志

卷十

雜類 塋墓

參議郭叙墓 在青 山

參政易可久墓 在化北鄉 石門人形

知府郭進墓 在城南湖 岡里壇坵

瀘州知州陳鐔墓 在城南詔仁 鄉二十五里

知府袁業濂墓 在城北四十里寶 山橋業泗為誌

鴻臚寺卿袁業泗墓 在城北四十里 東塘王志道誌

都御史袁業汾墓 在城東四十里彬江 高姓屋左下邊鵝形

忠毅公袁繼咸墓 在城北四十里蘆 村藕塘背鳳形

布政使袁一鳳墓 在城北東興甯里上沙江虎形與 伯祖判才同塋鄒倫一立有禁約

永不得挖土挖煤 分宜張承詔誌

知府袁一鰲墓在城東二十里

知縣朱志墓在城東三十五里

維摩知州陳巽言墓在城南二十里明村

舉人何山墓在城南五里

贈浙江參政袁維蔚墓在分宜縣

國朝巡撫陳之龍墓在城南明村

廕侍衛陳深墓在城南

宣平知縣楊尙義墓在化南鄉石

處士張自勳墓在城西國

進士袁起濤墓在城北

宜春縣志

卷十

進士黃在中墓在城北崇

大理寺卿袁芳松墓在橫塘彭家頭與父起

武康縣丞袁起宗墓在橫塘萬

贈懷遠將軍施天福墓在城南門

湖州遊擊施士超墓在城西螺江

知縣李觀瀾墓在廬裡鄉九七

進士周德潤墓在城西水汊下山

進士袁繼梓墓在分宜

處士張自烈墓在南康府東北十五里白鹿洞鄭家

墓道光元年萬載郭大經任南康教授重修有墓圖跋

雜類 塋墓

知縣袁芳杏墓 在分宜細塘陂下

知縣彭維舉墓 在河南偃師縣置有密地雇人護守

戶部主事劉湖墓 在城北鍾家嶺

翰林院編修易曰廉墓 在城東長橋下望城岡

教諭黃邦達墓 在水江下嶺窩鳳形

同知甘槐墓 厝廣東

同知曾際虞墓 在本宅後山

教諭張運謨墓

教諭易晉書墓 在萍鄉黃泥塘龍形

訓導楊錫輅墓 在南路城隍廟

宜春縣志

卷十

府經歷署知縣曾際盛墓 在本鄉新田

刑部主事李榮慶墓 即友梅在城北寨下裡蛇形

知縣柳成傑墓 在本鄉瓦壺塘虎形

兵備道胡光瑩墓 在本鄉方塘下虎形

知府費嘉樹墓 寄厝四川重慶府城外萬佛寺

知縣段東暹墓

知縣劉昌蕃墓 寄厝陝西榆林府懷遠縣

知縣段燮墓 在城南二十五里天鵝抱蛋形

教諭朱篆丹墓 在城東源頭虎形

袁州知府陳廷枚墓 在城西

雜類 坐墓

漢宜春侯劉成墓

在宜春臺下長沙定王子

將軍易泚墓

在城西百里武帝時領兵至此卒因葬焉

唐韓滂墓

在縣郭南愈之姪孫卒于署愈有誌

御史大夫陳節墓

在石裏鄉葦下

宋知西和州李陳環墓

在信義鄉德成里貂石因居宜卒葬于此

國朝馬宜人張氏墓

袁州同知馬世華妻卒停于袁乾隆二十四年知府陳廷枚為厝城西鳳

鳳山立有石碑

宜春縣志

卷十

雜類

塋墓

五

祥異

齊

永明元年秋七月安成王暕第獲白雀二頭

三年春正月安成榆樹二枝連理

梁

大同五年十月辛丑慧出南斗應安成郡詳武

天嘉四年太白入南斗省志註云皆應安成郡

唐

開元五年袁江二州水

元和九年袁州大水害稼

宜春縣志

卷十

雜類 祥異

十五年韓文公刺郡日有慶雲見於州西北五色光華至

暮方散公表賀

附韓愈表

臣某言臣所領州今月十六日申時有慶雲現於西北至暮方散臣及舉州官吏百姓等

無不見者五色光華不可遍觀非煙非雲容狀詭能詳述抱日增麗浮空不收既變化而無窮亦卷舒而

莫定斯為上瑞實應太平臣某誠歡誠喜頓首頓首謹按沈約宋書云慶雲五色太平之應又據孝經援神契

日王者德至山陵則慶雲出故黃帝因之以紀事虞舜由之而作歌又按季夏六月土正用事其日景戌亦主

於土西北方者京師所在土為國家之德祥見京師之位既徵於右又驗於今伏惟皇帝陛下德合覆載道光

軒虞嗣位之初貞祥繼至昇平之符既兆仁壽之域已躋微臣生在先朝以論事得罪身居貶黜之地目覩殊

常之慶忭躍欣幸實倍常情伏乞宣付史官以彰聖德所至瞻戀闕廷心魂飛馳并圖奉進無任欣忭踴躍之

表陳賀以聞

十月旦日獅鳳見仰山古廟

盧肇舊宅前有池產龜小而綠毛一日忽有龜十數游於池百人爭覩之是歲與計偕者多取高第

南平王鍾傳有賜宅在州北化成巖下嘗產嘉蓮及連枝李李有兩株相去三尺而一株橫連紋理無辨傳以圖奏有詔褒美

天祐三年洪州實石於越王山下昭仙觀前有聲如雷光彩五色濶十丈袁吉江洪四州皆見觀前五色煙霧經月乃散

南唐

宜春縣志

卷十

雜類 祥異

二

保太二年郡城火災

宋

開寶元年易延慶廬父墓墓側產玉芝十八莖內植二粟長爲連理

大中祥符二年七月江漲害民田壞州城

景祐三年夏大雨水驟漲壞民廬官署圖籍倉廩皆滄浸元豐二年有禾一莖八穗至十一穗長者尺餘

元祐元年鄉貢進士王忱家產粟二本四穗長尺餘忱異之獻於郡爲善政之致守命工繪圖司理李冲元爲瑞粟記

大觀四年夏六月有瑞蓮生泮水之西隅合跗同莖駢花
并實州守趙瑞繪圖為文以記之

政和中仰山太平興國禪院產穀一本七穗右僕射張商
英上表進瑞禾圖及宋大雅十三章圖成詔許三省樞
密同觀

附張商英表

臣近上表袁州仰山瑞禾蓋春秋書大有
於嘉穀則春秋所書何足道哉伏蒙聖恩賜以詔答宸
翰天文輝煌蔚屋溫詞德意淪浹肌髓臣竊惟天保之
詩君能下下以成其政故臣能歸美以報其上垂之六
經詔之萬世臣敢不拜手稽首對揚睿聖之丕顯休命
謹繪瑞禾圖並附大雅十章
三章繕寫圖如右上進以聞
附高躅大雅十三章
彼修者禾其德七兮蔓古所無今
感格兮歲在庚辰利見大人
雜類 祥異

宜春縣志

卷十

三

十有二紀而紀庚寅乾坤六甲遇庚則新大人法天有
革有因 皇帝仁孝羹牆神考適追先猷三代之道
炳然規模百世之寶孰敢弗祇率意改造 蔽目淵
衷恪遵熙豐法非補完熙豐是同 乃戢干戈不勤
遠畧煩斂是 闕冗官是削屏斥浮虛尊敦儉樸舳舻尾
銜派流通洛 泉幣既平商旅雲行四民樂化迭為
重輕 乃疎禁網滌膏昭枉流離賜還鹿解禽放戴
恩和順涵泳曠蕩父子怡怡朋友交酬 百度孔修
德澤滂流官知奉法吏畏納賕農夫熙熙服我先疇梓
鼓不聞奠枕靡憂 職是善化有赫臨下陰陽泰通
薰蒸陶冶惠雨柔風太和塞野滲漉百嘉芄芃禾稼
帝宅中天曷知其然四方郡國咸奏豐年豐年之象何
以昭宣爰有異粟八節如鞭 一本之上雙莖相尚
穗葉敷榮挺拔尋丈 高而不危神力扶持同而能
異濟物是宜 彼修者禾其
實駢羅天子萬年本枝蕃多

宣和六年郡城民居三火

紹興四年自夏及秋皆水

純熙九年夏五月不雨至於秋七月

十年大旱

十四年旱

十五年六月水壞民廬

慶元六年五月郡縣皆大水自庚午至甲戌漂民廬害稼

嘉泰四年春大饑殍死者不可勝瘞

元

至元二年旱

大德七年夏五月饑

至治三年秋八月隕霜害稼

宜春縣志

卷十

雜類 前異

四

至正十一年夏大水

十三年冬黑氣環城

二十年春雨雪六十日

明

洪武二十二年旱

二十四年旱

永樂十年春大水夏虎殺人僉事黃翰為驅虎文禱於城

隍之神 文逸

宣德九年大旱十月又旱民饑

景泰三年自冬及春凝雪連月

六年大旱斗米價千錢

天順八年夏四月大水秀江橋圯

成化十三年大旱穀價騰貴民大饑

十四年夏四月十六日大水

十五年民饑多盜

宏治七年嚴寒林木枯摧人多凍死

八年自五月不雨至於秋八月民大饑

十一年旱

十四年夏萍實門外有塘蓮開一枝雙葩

十六年夏大旱民饑

宜春縣志

卷十

雜類 祥異

五

十七年袁山門外池蓮一莖雙葩

正德元年秋七月大水山崩橋圯壞民廬舍早稻仆泥生

秧

二年夏大仰門外池蓮三本同蒂異莖

三年旱饑

四年旱大饑是歲竹生花結米民採食

五年旱

六年秋貢生韓繼善家石榴一帶結六實

七年旱

八年秋九月郡城火燔民居百餘家延燎湖西道署惠民

藥局府學西二齋并門廊宰牲房是年旱

嘉靖十二年四月郡大水頃刻深丈餘壞民廬舍漂禾麥
民多溺死有司賑貸

二十二年正月府城宣化樓火延燔民居數十家

二十三年正月一日秀江橋火

萬曆十六年戊子六月郡大水城內平地深一丈漂沒民
舍邑令以一小艇援家人出相傳蛟出自萍鄉溪漲驟
湧人不爲備室廬器物浮江而下人多壓溺

十七年己丑旱

十八年庚寅大旱民饑穀價每石六兩秋大疫道殍枕籍

宜春縣志

卷十

雜類 祥異

六

四十年四月二十八日大水漂流屋舍剝壞民田無筭水
驟漲民不及避溺沒以數千計

四十一年大饑

四十二年甲寅饑穀價至六兩道路相攘奪

崇正四年夏地震屋瓦皆裂居民有自牀墜地者是歲旱
五年秋地震冬十二月天雨穀黑色遍地可食人多拾之
有至數斗者

九年丙子夏大旱穀每石至八兩秋七月彬江一帶鳧溪
見居民驚以告庠生楊文盛曰此鳧溪也山海經西山
經云鹿臺之山有鳥焉其狀如雄雞而人面名曰鳧溪

其名自叫也見則有兵鹿臺今上郡也自西而南吾郡
其有憂乎逾年丁丑果有楚寇之變

十年夏五月地震冬十二月二十五日夜大雪雨

十一年春正月兩日并出日下黑光摩盪凡二十餘日

十四年秋大水

十五年春地震夏五月大水人民漂沒無筭田禾盡湮穀

每石八九兩秋月縣堂有伏雷衝擊左柱時正起送鄉

試九月復大水十一夜府堂火

十六年夏五月大旱

附張自烈雩記崇正十六年袁自四月至七月不雨苗
焦卷無復蘇者民相向泣日鬼災我魁

宜春縣志

卷十

雜類 祥異

七

災我已又聚族謀曰弗獲我尋追呼追安之率老稚詣
郡邑泣請調郡邑曰吁調必不可得檄司丞雩雩累月
旱益甚民田近陂渠者曰枯槁不違他官田壤接則官
佃實梗之雖百枯槁何益官佃曰我能禍福若何雩為
導入官晦民不邀涓滴迨官晦水溢官佃決令他道出
委諸壑民視苗立稿耳官佃又誅民曰若欲溉盍略我
民羽衣履雞豚往賂佃得賂與官僕酣笑為樂不予溉
如故民患莫誰何也仰天泣不已或曰官佃暴羣胥之
宦佃笑曰若擊我獨不畏宦邪須臾數十人前曰我宦
家僮敦我當毆詈者垂斃眾愕胎無人色顛諸宦門扃
弗得入泣而還或曰不賂宦僕禍且酷宦僕賜受金而
陰阱之導佃膚懇宦曰甲某爭溉乙某毆某佃宦急疏
甲乙名白郡坐以罪郡阿宦各答焉民泣呼曰魁災我
魁災我天無知哉環泣者數百人未幾又有市猾者思
行劫罔郡邑曰故事早擊龍湫乃雨非啣郡邑命不可
耶邑曰姑擊諸獨收召諸無賴揭竿往夜肆掠殺人里
老勝之則曰我啣命擊湫者羣譁去或歎曰雩盜竿也
民何辜魁害甚矣益以宦益以佃僕獨則是天旱一人
旱四也不荒於歲荒於人袁豈不殆哉往予遊四方聞

國朝

苦澇苦催科傷之今里居又苦旱患茲蔓不止予慕右
范文正劉善明思有以拯之弗逮因次其筆以明處有
熾於魁者而尤愧吏茲土者之扞暴備災
失宜也俾後之仁人君子鑒焉郡人某記

十七年春二月地震

順治二年乙酉八月大水桃李冬華

三年丙戌夏秋大旱百餘日赤地千里

四年丁亥春夏大水禾麥盡湮凡六閱月餓殍相枕籍白

骨如山穀每石八九兩米每斗一兩八九錢人相食

八年辛卯旱民饑

十一年甲午秋有蟲食禾狀如蠶而大每集數萬禾盡乃

宜春縣志

卷十

雜類 祥異

八

死臭甚北鄉更劇

十三年丙申夏秋大水

十六年己亥旱

十八年辛丑五月大旱

康熙元年壬寅夏五月大旱

四年乙巳夏五月旱無禾

九年庚戌冬十一月雪霏二十餘日深五六尺

十年辛亥春正月天門開長三十餘丈濶四五丈火光洞

然

十六年丁巳水復旱

十七年戊午夏大旱產麒麟

十九年庚申夏四月蛟出新坊水夜發民不及避自南以東田地成河民多溺死獲鹿橋地

二十年辛酉牛產麒麟於城北袁山雷電交集民以爲怪斃之秋有蟲食禾

二十一年壬戌夏大水北城傾圮凡數十丈秋七月白氣見西南方長數丈餘歷旬夜不散又青氣如鏡與日摩盪八月虎出集雲鄉噬人百餘

二十二年癸亥夏五月石裏鄉蛟出郡大水暴漲壞田地無數城外深數丈市可行舟化北鄉白晝虎出食人無

宜春縣志

卷十

雜類 祥異

九

筭

二十四年乙丑歲大豐五穀皆登

二十六年丁卯旱

二十八年己巳冬十月嚴寒河水成冰牛馬凍死至次春正月始解凍

三十二年癸酉夏四月大雨雹傷稼

三十四年乙亥旱

三十五年丙子旱

三十八年己卯夏五月水暴漲北城外深餘丈居民趨避不及邑令張綸登城募舟數十以濟越日水方退冬雨

雪四十餘日

四十二年癸未夏大旱秋淫雨匝月不止民饑

四十三年甲申大饑

四十四年乙酉大旱天雨黑粟

四十五年丙戌夏五月大水市可行舟民多漂溺北門城

北六月七月不雨歲饑冬養濟院災

四十六年丁亥春旱夏四月虎噬人於北門城下修仁集

雲兩鄉有赤虎引集衆虎噬人官飭獵者驅之五月大

雨二十四日北城復地秋蟲賊傷稼冬十月初三日珠

泉亭有黃水噴起踰時乃清

宜春縣志

卷十

雜類

祥異

十

五十三年甲午冬大雪池塘水堅徹底道無行人

六十年辛丑夏大旱

雍正六年戊申五月初二日集雲詔仁兩鄉蛟發田房漂

蕩下浦橋地秋旱

乾隆二年丁巳六月初七日集雲鄉華山蛟出廣發橋地

四年己未夏六月歸化鄉蛟發大水害稼

七年壬戌秋七月大水

九年甲子春三月慈化蛟出水溢秋九月雨雹

十一年丙寅春水冰夏五月郡大水

十五年庚午夏五月高龍山蛟發漂沒田禾下浦長橋地

四十三年戊戌自四月不雨至於八月始雨

四十九年甲辰五月二十一日大水蛟出萍鄉武功山源
沒民舍溺損民人秀江橋圯

五十五年庚戌冬大雪六十餘日冰凍甚堅林木折斷飛
鳥入人家路絕行踪

五十九年甲寅六月烈風拔大木

嘉慶八年癸亥十一月二十四日薦外鄉西村地震連及
小江口等處自午時至亥方止同日薦裏鄉快雲里已
刻亦震踰時方定

十六年辛未秋七月有星孛於西北至十月始沒

宜春縣志

卷十

雜類 祥異

七

十七年壬申夏六月有龍從蘇陂出騰竽入空雲霄現青
黑色盈丈金光燦爛蜿蜒而上不見首尾移時乃沒
十九年甲戌四月三十日交湖嶺石山轟鳴數日忽湧巨
流崩大石壓民居

二十五年庚辰自五月不雨至於秋八月是歲中秋夜澗
溪見月華散彩金燦霞明如日暈九重自是以後迭見
豐年

道光元年四月初一日日月合璧五星聯珠

二年壬午五月初二日巳刻日重輪連年大有

三年癸未七月初八日龍見於邑之東南百穀豐登

五年乙酉秋九月彗星見西方

六年丙戌夏大旱至六月二十六日大雨二十七日水漲

四丈城內亦深四五尺北門外自上水關至秀江橋沿

河大小店屋及學宮學署魁星閣等處俱被衝圮淹斃

者無算各鄉田廬人畜傷損極多邑令程國觀辦賑七

八月又旱

附曹夢鶴水災行

潛蛟作勢商羊舞雨脚沉沉天不補三日為霖暮復朝無情那怕居人苦

袁州名郡兩袁山建瓴直上高莫攀從來防旱不防水

陸海人馳比市關丙戌六月廿七日雨聲不斷雲容密

萬斛洪濤欲撼城魚龍與人爭窟室窟室甘心為魚龍

爬上屋脊一重重少陵茅屋隨波去頃刻男女變沙蟲

牀蓆筐籠半沉浮不辨上游與下游駭浪時聞救苦聲

慈心大士淚空流文官祭江武射潮蒲城梭織悲風號

宜春縣志

卷十

雜類 祥異

三

百身難將一身贖冠嶙權為性命拋我無民社亦桑梓

東西城上躡芒屨關心幾處舊人家水國無路同生死

三日浮屍處處聞桐棺裸葬無衣裙可憐寡婦孤兒啼

猶恐殘骨認不真死者已矣生無那眼前空見家山破

雞犬也如拔宅昇驚魂未定人一個千百家中存片瓦

木石泥沙半傾瀉穢氣薰蒸陰風來疑有死人埋地下

欲哭無聲訴無鄰相逢盡是失巢人深夜猶有窺伺客

誰知前夕已全貧昨日偶從橋上步長虹欲斷招無渡

靈光一殿巋然存此外亭閣江中樹中有同官八十翁

自言一夜浪花中乘桴偶共聖人宅未死公然作鬼雄

路逢白髮開元叟共道奇災從未有城牆倘更三版沒

我亦應為喪家狗天乎人也不可春臺禱雨未幾時

千人血作甘霖灑世上無情是兩師慘事相傳日日增

安福萍鄉入醴陵生之何恩殺向咎蒼蒼仁愛竟難憑

君不見前年宣城隄根齧田園漂没人魚鼈至今猶作

無家別又不聞黃河之水天上來瓠子決矣屢為災今

年又傳堰口開百註同官謂縣學

萬生靈亦孔哀 師劉聰泉

附黃邦達水災紀事八首 錄四 雜沓聲從夜半呼陡

然江漲 沒平蕪人家似捲三

秋葉村落俄成萬頃湖不盡樓臺翻芥藻幾多狂畜肯
拔蒲曝衣吹火泥沙上忍見流民一幅圖極目傷心是
北門臨江一帶幾家存窮猿緣屋千家火怪駭萬
馬奔有命偶從泉路出無聲都被石橋吞可憐漲退屍
難覓鏡鼓空招月夜魂四方龜坼禱甘霖豈料傾盆作
陸沈誰滴馬驟三十點積成鳴國丈尋深河邊白骨拋
荒草閨裏寒衣擣暮砧爾游魂長夜恨可知生死屬
天心茫茫浩劫化蟲沙點鬼難稽簿萬家魚泣幾人蘇
涸鮒鳥從何處集昏鴉柱公廣屢懷徒切白傳輕
裘願亦奢好待天顏開霽日窮簷照徹免咨嗟

七年丁亥春夏民饑秋冬蟲耗倉穀

附曹夢鶴蠱賦并序

丁亥秋冬袁人喧傳蟲耗倉穀羣
劇錢為龍燈以獲之隣近郡邑莫

不皆然因思變不虛生灾由人召得毋嬉恬日久游食
者多天因報羽孽以譴之耶爰做古人五蠹之義作小
言之賦以警人以自警焉其詞曰月冷風刀有龍千
條向來火樹似借元宵一闕之市如沸如潮問厥所以
曰蟲食吾米下倉萬箱養其小體吾儕分五穀勤十指
曾不得食九人治百禮蠕蠕者生一朝如洗願飛龍上

雜類 祥異

三

宜春縣志

卷十

天蠶厥蟲豸否則非迎貓非祭鮪胡為乎俾夜作晝當
憂而喜於是江南北粵東西廣漠之野園闌之閨人兮
如海龍兮如馳般圍兮鉦鼓飄警兮旌旗金吾兮不禁
玉女兮潛窺嘈嘈切切兮如蜩蟬之噪雨皓皓盱盱兮
如蠶觸之塵師醒天公於既醉召電母與風姨託靈生
於小醜椒羣蠱而謂之謂爾向么麼輒敢如斯曷不翔
碧落蜚黃泉以避乎五百毒龍之威蠱乃人立茶然意
廢口不能言請以意對謂穀飛為蠱傳於左氏康謂之
蟲載於爾雅將軍有百蟲之號達人有肝臂之假况臣
雖不肖小不如二豎之噬人大不如虎兇之率野貌大
倉之一粒寄蜉蝣於大治將掃除而蠶旃胡不滌塵埃
於野馬且子亦知夫蠱之說乎上古結繩而治人飽其
力毛血暇漁朝不遑夕唐虞三古各展其職自上下下
翺翹稷稷籛籛戚施不蠱不賊故曰民之質矣日用飲
食宜其象鳥耘耕傍歷山而佐勤蠱死蝗飛遇田祖而
戢翼也今則一精九廩入儒三墨貴者無游民之罰賤
者有芻豢之色是婦皆孀誰驚促織之聲借士為名不
提壺妻啼饑而不知子號寒而不圖或窳身於胥吏或
遁迹於浮屠或烏衣巷裏鼎鑪玉石或金丸彈下飼犬

芻鳧無曼倩之長飽且欲死登宣尼之席食厭其麤
居則禽獸為近用心則博奕俱無不知於世何補於人
何須凡若此者孰非蠱之徒乎他則縮紫綬佩金章貌
矜矜氣揚揚支水衡之俸飲御厨之漿倚之者以為柱
石頌之者或曰棟梁屬不能鳴徒貽譏於彼馬鷗不能
逐難自比於螳螂此則將軍負腹公予無腸沾一勺而
猶愧費萬錢而奚償然則臣之為賤也將分其潤而未
有傷也薄其餼而助之烽使彼螭蟻者秋分不人淵日暮
蒙不過其餼而助之烽使彼螭蟻者秋分不人淵日暮
不化節御魚腹而游戲逞下策於火攻是猶任江河之
決而為蟻穴之封也惜鼠壤之一芥齷何裨於漆園之
空也將泯泯勢勢十二萬年之後臣不知其所終也天
公聞之翻然悔瞿然覺急召龍師披鱗折角轉大造之
洪爐鑄芸生於淡漠於是野無與草市皆安作時和歲
稔蠱不為虐

八年戊子三月初七大風拔倒大樹無數飛瓦折棟壓斃

居民府學魁星文昌閣圯五月不雨至九月

宜春縣志

卷十

雜類 祥異

古

附曹夢鶴大風謠

春露不滋花春風偏折木千軍萬馬
西南來驅逐狐狸上門屋驚起人間

睡初醒披衣欲出頭仍縮初疑身在奔濤駭浪中帆翻
柁折舟欲覆又疑颶母無端過嶺來砂飛石走神殼震
雷隱隱電簇簇金鞭閃閃驚人目毒龍五百去如飛雲
時惟聞家家哭千年華表折作薪十丈喬松卧空谷參
元門前客弔災爛額焦頭無此酷廣文先生屋打頭漏
溼如遭塗炭辱毀瓦畫鏗急相求濫竿都食曹交栗相
看夫子數仞宮窺見室家風滅燭三千七十陋巷中爽
塏欲更苦不速如此奇灾竟希聞別風淮雨迷山麓雷
鳴失箸孰英雄三日猶聞聲喙喙吁嗟乎前年大水今
年風風師雨伯都惱公一波未平波又起我亦昆明小
中

九年己丑秋旱

十年庚寅秋旱

十一年辛卯春夏民大饑米一桶至六七百錢邑令龔冕

出常平倉穀糶賑每日人擁數千有擠斃者

十二年壬辰夏民病疫

十三年癸巳有蟲食禾

十五年乙未五月不雨至八月

十六年丙申六月不雨至九月朔連雨數日

二十年庚子四月至八月彘多疫身現紫黑一塊如印數日不食死

二十一年辛丑冬十一月大冰樹木凍折

二十三年癸卯驚蟄後長星見西方濶數尺長十餘丈月餘始滅

宜春縣志

卷十

雜類 祥異

五

二十六年丙午旱

二十七年丁未六月不雨至九月西方白氣貫天數月始息

二十九年己酉秋旱

咸豐二年壬子秋彗星見西方光燄如火

三年癸丑八月天槍星見西方長丈許十餘日始滅是歲多霪雨早晚稻均生秧霉爛

四年甲寅春夏民饑

六年丙辰秋大旱

七年丁巳三月十四始雷大風秋八月蝗自西北來遮天

蔽日落地厚數寸擁食晚稻雜植棕竹等類頃刻即盡
西南尤甚

八年戊午正月十五日亥刻大雷雨雹二三月蝻子滋生
邑令陳崑四路設局收買不下數百石勢不能盡乃爲
文禱於劉猛將軍祠忽天雨數日小蝗盡漂流而去遺
孽悉淨六月初一日戌刻天流火毬七月白光迅過空
中下照如火八月望後彗星斜射北斗月餘始止
十年庚申早晚稻俱螟傷十二月初旬大雪數日厚三四
尺

十一年辛酉三月初一日五星聯珠五月二十五日夜彗

宜春縣志

卷十

雜類 祥異

六

星見七月初旬始沒八月晚稻螟傷雞翼生爪又有雞
腹內剖出活蜈蚣雄雞剖出蛋等異十二月多雨雪二
十後冰凍愈甚柑橘等樹多摧折者

同治元年壬戌三月二十六日大雷雨雹碎屋瓦樹木秧
麥豆蔴油菜等均被傷五月下旬西路大水衝損田禾
是歲晚稻低處傷水高處傷螟

二年癸亥春霖雨種穀壞立夏猶未分秧四月初四日小
滿大雷雨低田秧復浸壞至初八九日猶有補浸種穀
者米價昂十二月中旬雨雪水冰

三年甲子正月大雪樹皆凍折大雨連綿東南一帶嘯裂

諸山壓壞民屋甚多

四年乙丑正月中旬冰凍凝結六月初九日未刻大雷雨
雹秋歲豐

五年丙寅春多雨五月十八日雨後復太旱

六年丁卯春夏民饑米價昂

八年己巳春夏多霪雨

宜春縣志

卷十

雜類 祥異

七

軼事

晉

徐璠家縣東十里浦村自揚州回船至大孤山見二生一稱蕭大分一稱蕭隆言家在仰山石橋求與同載璠許之及登舟風駛利不可遏一日夜至浦村東將別二生曰他日見訪叩石橋大聲呼叔季自後璠每經過輒如誠相見懼宴之大分顧謂璠曰若欲雨欲暘乎璠悟其神也叩頭訴曰璠無田可耕兩暘非急信宿聞大水猝至摧木蕩竹俄而夷高淖下出田五頃今浦村西徐田是也璠往謝之忘叩石橋徑窺其穴乃見二生爲龍自

宜春縣志

卷十

雜類 軼事

後不復見形而橋亦斷又會昌五年大風拔仰山古廟前杉樹移植於文明鄉嘉猷里堵田村去舊廟三十里復建今廟前進士第黃頗撰碑

安帝元興元年春正月桓元舉兵反三月元至南桁元顯軍潰被執元入京師稱詔解嚴自爲大尉徙會稽王道子於安成郡夏五月元使御史杜林防衛道子至安成林承元旨酖殺之

永嘉之亂郡縣無定主強弱相暴宜陽縣有女子姓彭名娥父母昆弟十餘口爲長沙賊所殺時娥負器出汲於溪間賊至走還見墻壁已破不勝其哀與賊相格賊縛

娥驅溪邊將殺之溪際有山石壁立高數十丈娥仰呼曰皇天曾有神否我爲何罪而至此因奔走向山山立開廣數丈路平如砥羣賊亦逐娥入山山遽崩合泯然如初賊皆壓死娥遂隱不復出娥所舍汲器化爲石形仙鷄土人因號曰石鷄女娥潭按是時避鄭太后諱改宜春爲宜陽

唐

郇王素節蕭淑妃之子也警敏好學太后惡之以爲中州刺史素節以久不得入覲著忠孝論后見之誣以贓賄降封鄱陽王于高宗儀鳳元年十月袁州安置

宜春縣志

卷十

雜類 軼事

二

韓昌黎祖席得秋字詩大歷以下無人解此用筆惟此公高超邁俗五言近體中運以古風筆力龍跳虎臥英氣逼人

王仲舒爲連州司戶昌黎公令連之陽山仲舒觀察江西公爲袁州刺史公旣爲作燕喜亭記修滕王閣記又誌其墓書其碑新史並取公碑誌作傳

祭酒趙蕃太和七年爲南宮郎一日有僧乞食于門謂其家僮曰吾願見趙公可乎家僮告蕃蕃卽命延入僧曰君將有憂然亦可禳去蕃拜而祈之僧曰遺我裁刀一千五百庶可脫君之禍不然未旬日當爲東南一郡耳

蕃許之因叩其名暨所居僧曰吾居青龍寺法安其名也言已遂去明日蕃卽如數送之使者至寺物色羣僧皆不類詢法安所止徧院宇並無蹤影後數日蕃出爲袁州刺史

刺史鄭審作彭徵君墓誌其略云蘊顏子之操飲水何嫌繼車公之勤積雪無悶藜光囊編而益明其儉灌園種木而罕見其勞陰陽圖緯盡能精究不出瓊堵三十餘年前後良二千石皆式其閭而嘉嘆之註通元真經識解尤超春秋五十三卒子五東里南容西華北叟世臣葬於東原

宜春縣志

卷十

雜類 軼事

三

彭伉徵君之孫及第後廉使于公辟入幕歲久未歸妻張氏寄以詩曰久無音信到羅幃路遠迢迢遣問誰聞君折得東堂桂折罷那能不暫歸驛使今朝過五湖殷勤爲我報狂夫從來誇有龍泉劍試割相思斷得無伉答詩曰莫訝相如獻賦遲錦書誰道淚沾衣不須化作山頭石待我東堂折桂枝

初李德裕左官宜陽盧肇投以文卷由此見知後隨至京師每謁見待以優禮舊例禮部放榜先呈宰相時侍郎王起典貢舉問德裕所欲答曰安用問所欲如盧肇丁稜姚鵠豈可不與及第耶起于是依其次放之載玉泉

子

盧肇別宜春赴舉詩曰離山且作銜蘆雁入海終爲帶角魚長短九霄飛直上不教毛羽落空虛明年及第詩固爲之兆矣江西狀元自肇始與黃頤同舉郡守獨餞頤明年肇狀元歸太守請觀競渡肇詩云向道是龍人不信果然奪得錦標歸太守大慙

盧肇初舉先達或問所來肇曰某袁人也或曰袁州出舉人耶肇曰袁州出舉人亦猶沅江出鼈甲九肋者蓋稀矣

盧吉州肇開成中就江西解試名次居末肇有啟謝曰巨

宜春縣志

卷十

雜類

軼事

四

鼈鬣屬首冠蓬山試官謂之曰某昨限以人數擠排雖獲申展深慚名第奉浼焉得翻有首冠蓬山之謂肇曰必知明公垂問大凡頑石處上巨鼈戴之豈非首冠邪一座聞之大笑

張祐遊甘露寺有句云日月光先到山河勢盡來自謂極狀寫之工及觀盧肇先輩題云地從京口斷山到海門迴曰不謂三吳有此詩人也因而折伏願締交焉載雲溪友議

王鐐富有才情數舉未捷其父門生盧肇等薦于春官云同盟不嗣賢者受譏相子負薪優臣致誚因誦鐐佳句

云擊石易得火叩人難動心今日朱門者曾恨朱門深
聲聞藹然果擢上第載摭言

盧著作肇爲華州紇于公泉防禦判官遊仙掌諸峯歇馬
於巨靈府忽夢在數間空舍中見一老姥於大釜中然
火盧詢其所由曰老人是華嶽神姥也又問釜中煮何
物曰椽子也用此何爲愀然曰食之也盧曰兒爲五嶽
主厭於禱祀母食樹子豈無奉養之志乎母曰鬼神之
道雖有君臣父子禍福不相及祈祭之所不呼名字者
不得享焉盧覺召廟祝令別置神姥位常饌每供一分
公宴則闕在家忽遺忘噉咽而體中不快也雲溪子親

宜春縣志

卷十

雜類 軼事

五

聞范陽所述故書之載

李愿家有一姬名眞珠後爲牛僧孺侍妾有殊色盧肇至
僧孺奇其文延於中寢會眞珠沐髮方以手捧其髻插
金釵於兩鬢閒僧孺曰何妨一咏肇詩曰神女初離碧
玉階彤雲猶擁牡丹鞋知道相公憐玉腕故將纖手整
金釵

王起於會昌中放第二榜周墀以詩寄賀云文場主化魯
儒生二十餘年振重名曾忝木雞誇羽翼又陪金馬入

蓬瀛

自注云墀初年木雞賦及
第曾陪僕射守職內廷

雖欣月桂居先折更羨

春蘭最後榮欲到龍門看風水關防不許暫離營起答

曰貢院離來二十霜誰知更忝主文場楊葉縱能穿舊
的桂枝何必愛新香九重每憶同仙禁六義初吟得夜
光莫道相知不相見蓮峰之下欲徵黃時門生二十二
人皆和周墀詩盧肇和云嵩高降德爲時生洪筆三題
造化名鳳詔仁歸傳北極驪珠搜得盡東瀛袞衣已換
金章貴禁掖曾隨玉樹榮明日定知同相印青衿新列
柳間營黃頗和云二十二年文教主三千上士滿皇州
獨陪宮父蓬瀛奏方接顏生魯衛遊多羨龍門齊變化
屢看雞樹第名流升堂何處最榮美朱紫環繒幾獻酬
載唐撫言

宜春縣志

卷十

雜類 軼事

六

按李潛字德隱全唐詩及紀事俱載宜春人亦登會昌
三年進士第其和主司酬周侍郎詩云文學宗師心秤
平無私三用佐貞明恩波舊是仙舟客德宇新添月桂
名蘭署崇資金色重蓬峰高唱玉音清羽毛方荷生成
力難繼鸞皇上漢聲查府縣前志皆未載其人卽撫言
亦祇引盧黃二詩茲據全唐詩補入

弋陽郡東南有黑水河河潛有黑水將軍祠太和中薛用
弱自曹議郎出守此郡爲政嚴而不殘一夕夢贊者云
黑水將軍至延之乃魁岸丈夫鬚目雄傑介金附鞬旣
坐曰某頃溺於茲水自以秉仁之心未展上訴於帝帝

曰爾陰位方崇遂授此任郎中可爲立祠海上當保佑
斯民言訖而寤遂命建祠設祭水旱災沴禱之皆應用
弱有葛谿寶劍復夢求之遂以爲贈乃剗神前柱并匣
寘之外設小扉加鐫焉乾符戊戌大理少卿袁州徐煥
以決獄不允授弋陽郡秋七月出京時方霖霖東道泥
滿由峭函度東周歷許蔡略無霽日旣渡長淮宿於嘉
鹿館則弋之西境也苦雨淒風徒御多寒色煥具酒所
之神前其夕遂霽煥由是加敬每春秋常祀必躬親之
明年冬十月賊黨數千人來攻郡城煥堅守城不可拔
乃引兵西入義陽時有無賴者以廟劍言於賊裨將將

宜春縣志

卷十

雜類 軼事

七

乃率徒破柱取去旣而曉出縱掠氛霧四合莫知所如
忽遇一樵童遂執之令前導旣越山霧開乃義營張周
寨也見賊盡殺之張周親捨其首解其劍復歸廟至今
時享不廢

袁皓自稱碧池處士初登第過岳陽悅妓藥珠以詩寄嚴
使君曰得意東歸次岳陽桂枝香惹藥珠香也知暮雨
生巫峽爭奈朝雲屬楚王萬恨只憑翻覆手寸心惟繫
別離腸南亭宴罷笙歌散回首煙波路渺茫嚴君以妓
贈之

唐新進士不問科第高下唱名出皇城例唱狀元鄭谷登

第後宿平康里詩曰春來無處不開行
礎潤相看別有情好是五更殘酒醒
耳邊聞喚狀元聲則新進士例唱
狀元舊矣

鄭都官作鷓鴣詩人稱爲鄭鷓鴣如
雨昏青草湖邊過花落黃陵廟裡啼
尤有遠神宜其膾炙人口然其咏侯家
鷓鴣詩有云座中亦有江南客莫向春
風一作樽前又作風前唱鷓鴣蓋謂詞有鷓鴣天南人聞之則思歸也今猶傳爲

話柄

杜光庭載毛仙翁事翁名干字鴻漸元和開劉禹錫李紳白樂天輩皆有贈詩至大中戊寅五十餘年矣時袁人

宜春縣志

卷十

雜類 軼事

八

張爲薄遊長沙獲女奴於岳麓下惑之歲餘成羸疾毛翁一見曰子妖氣邪光浹遍肌骨苟不相值殞於旦夕也以一粒授爲於香爐焚之郁烈之氣聞百步魅妾一號而斃乃木偶人也又吞以丹砂如黍者三疾遂瘳爲作詩別之曰羸形感神藥削骨生豐肌蘭炷飄靈烟妖怪立誅夷重覩日月光何報父母慈黃河濁滾滾別淚流澌澌黃河清有時別淚無收期爲後入釣臺山訪道而去

僧虛中宜春人遊瀟湘山

一作居玉笥山

同沙門齊已尙顏栖蟾

之徒爲詩友已而住湘西粟成

一作城

寺與王子希振情

其衣著於體及伏草中良久試暫脫之萬方皆不能脫
自視其手足爪牙虎也乃近水照之頭耳眉目口鼻尾
毛皆虎矣非人也心又樂遂于草間捕狐兔以食之拏
櫻飲啖皆虎矣是後常與同類游處復爲神鬼所役使
夜則往來於山中寒暑雨雪不得休息甚厭苦之形骸
雖虎而心歷歷然人也但不能言耳周歲餘一日餒甚
求無所得乃潛伏道旁忽一人過於前遂躍而噬之既
死將分裂而食細視之一衲僧也心自維曰我本人幸
而爲僧不能守禁戒求出輪迴自爲不善活變爲虎罪
孽之大無逾是者今又殺僧以充腸地獄安容我哉我

宜春縣志

卷十

雜類 軼事

十

甯餓死弗重其罪也因仰天大號聲未絕忽然皮落如
脫衣狀自視其身一裸僧也奔舊院院已荒廢乃用草
遮身投於俗家得破衣數件走於鄰境佛寺因遊方止
臨川崇壽院是時圓超上人居看經堂僧侍立不懈上
人念其恭勤乃問爾何處人出家幾夏臘修習何等法
而勤勤若此對曰某心有悔行願因上人決之但不欲
他僧聞耳乃屏侍者問之其僧言爲虎之事叩頭作禮
求懺罪業上人謂曰生死罪福皆由念作剎那之間卽
分天堂地獄豈在前生後世耶爾惡念爲虎善念爲人
豈非證哉苟有志於脫離者趨無上菩提還元返本一

念不著則人不爲虎虎不爲人矣方今閩中大善知識
比肩爾其往哉僧乃奉教上人尋詰于智作長老長老
往見之以上人向者事間皆無異同雙目猶眈然可畏
也後入嶺不知所適

潭袁虔吉等州有沙虱卽毒虵鱗中虱也細不可見夏月
虵爲虱所苦倒挂身於江灘急流處水刷其虱或臥沙
中蟻虱入沙行人中之所咬處如針孔粟粒四面有五
色文卽其毒也得術士禁之乃剋其少許因以生肌膏
救治之卽愈不爾三兩日內死矣

天復十年

通志作天祐七年
十國春秋作八年

庚午夏洪州越王山下昭仙

宜春縣志

卷十

雜類 軼事

上

觀前有聲如雷光彩五色闊十丈袁吉江洪四州之界
皆見光聞聲觀前五色烟霧經月而散有石長七八尺
圍三丈餘清碧如玉墮於地節度使劉威命昇入昭仙
觀內設齋祈謝七日之內石稍小長三尺又齋數日石
長尺餘今止有七八寸識者以爲活石留在觀載錄異
記

南唐

袁州錄事參軍王某嘗劾一盜獄具而遇赦王以盜罪重
不可恕乃先殺之而後宣赦罷歸至新喻邑客馮氏具
酒請王明日當往晚止僧院乃見盜者曰我罪誠合死

然已赦矣若何敢匿王命而殺我我今得請於所司矣
君明日往馮家耶不往亦可言訖乃沒院僧但聞其與
人言而不見也明日方飲暴卒

沈彬字子文天性狂逸好神仙之事隱雲陽山學仙道工
詩有湘江行云數家漁網殘烟外一岸斜陽細雨中人
膾炙之唐末西遊以三舉爲約嘗夢著錦衣貼月而飛
人謂身不入月宮必不第果然後仕南唐爲吏部郎致
仕年八十餘

盧絳未遇時病瘖且死夢白衣婦人頗有姿色歌菩薩蠻
其詞曰玉京人去秋蕭索畫簷鵲起梧桐落敲枕悄無

宜春縣志

卷十

雜類 軼事

三

言月和殘夢圓背燈惟暗泣甚處礎聲急眉黛小一作遠
山攢芭蕉生暮寒勸絳酒曰妾玉真也他日富貴相見
於固子坡至是臨刑有婦人姓耿名玉真者坐淫亂與
同斬衣服姿貌宛如前夢其行刑地卽固子坡也又南
唐史翰府名談云所夢行刑地名孟家坡並載詩云清
風明月夜深時箕箒盧郎恨已遲他日孟家坡上約再
來相見是佳期

盧絳仕江南至昭武節度使及金陵陷募驍勇敢死千餘
由宣歙長驅入福建循海聚兵以圖興復不果而敗今
句容縣東陽鎮市東有盧大王廟志云卽絳祠載

史

普賢寺在江西省城惠民門內南唐保大二年袁州刺史
邊鏞以鐵二十萬斤鑄普賢乘白象寺遂以名

李徵古少貧賤好游常宿同郡潘長史家是夜潘妻夢門
前有儀注鞍馬僕從約二百人或坐或立且云太守在
此洎見乃寓宿秀才覺後言于潘曰此客非常人也晨
具餞酒一鍾贈之金曰郎君他日富貴慎勿相忘明年
至京成名不二十年自樞密副使除袁州刺史離闕日
元宗賜內庫酒二百瓶

袁州村中有老父性謹厚爲鄉里所推家亦甚富一日有

宜春縣志

卷十

雜類 軼事

三

紫衣少年車僕甚盛詣其家求食老父卽延入設食甚
至徧及從者老父侍食於前因思長吏朝使行縣當有
頓地此何人哉意色甚疑少年覺之謂曰君疑我我不
能復爲君隱我仰山神也父悚然再拜曰仰山日厭於
祭祀奈何求食乎神曰凡人之祀我皆從我求福我有
力不能致者或非其人不當受福者我皆不敢享之以
君長者故從君求食爾食訖辭讓而去遂不見載稽神
錄

將軍廟在武甯縣四十四都唐盧絳屯兵武甯築磨源陂
灌田萬餘畝鄉民德之立廟

宋

袁州黃司理元符中在官時宜春尉遣弓手三人買雞豚於村堡閱數十日不歸三人妻訴於郡守守令尉自爲計尉給曰有盜已得其窟穴遣三人往偵久而不返是殆斃於賊手願自往留山中月餘無以復命適見四鄉民耕於野從吏持二萬錢買詐爲盜曰他日案成不過受杖四十耳貧民許遂縛四人詣縣送府黃主治之獄成上憲臺將擇日赴市忽念四人無克狀乃屏吏詰曰果眞明日當斬首矣可實告囚囚相顧泣下以實告黃大驚欲出其罪郡守堅執不允黃不肯押守又恐黃訟

宜春縣志

卷十

雜類 軼事

古

於朝使同官力勸押四人遂死越二日有皂衣持挺押縣吏二人追院中二吏同時四吏暴卒又數日攝令死尉亦死郡守越四十日中風死一日黃見四囚拜曰某等枉死上帝并欲逮公某等感公意哀求四十九日始許展限三年及期黃果見四人復至頃之遂洞泄血痢知不可起屬戚向子長迎母訣別而死

長沙王容淳熙癸卯冬過袁州禱於仰山神夜宿州東旅舍夢人歌云玉樓春纔半玉堂此去春風暖正飛絮馬前撩亂嫦娥剪就綠羅衣待來蟾宮與換後果狀元及

第

蟠龍禪院和光祖師道場也師姓李石裏鄉鍾家嶺人相傳爲普庵弟子先是師爲學博將赴舉遇普庵以一二偈語挑之大有所契卽參法座後傳心印授以秘符曰遇橋卽止遇龍卽住師由是杖錫而南徘徊大仰木平岐路之間至虹橋而止遇一蛇翹首折行師隨至蟠龍山下蜿蜒而上抵絕頂蛇因蟠而伏焉師卽其地爲禪室蟠龍蓋以蛇得名也

府城西北化成巖左一石刻眉壽二大字字高五尺許廣三尺筆畫體製與尋常所作不同府縣前志據歐陽元集載元至正秋浦陽鄭深字浚常者曾爲內府授經郎

宜春縣志

卷十

雜類 軼事

五

侍皇太子視席及行往辭因詢南歸何故深以思侍養八十老母對太子惻然取所書眉壽二字賜之謂此或撫刻以廣其傳者及攷其旁鑄注石湖居士摹乃宋范成大于乾道癸巳遊袁所鑄是知元之內府所藏蓋自宋遺其云摹者亦非范書也究不知此字爲何時何人所作

石湖居士范成大驂鸞錄載大以乾道癸巳二月十七日宿分宜縣十八日至袁州聞仰山之勝久矣去城雖遠特往遊之二十五里先至孚惠廟廟祀兄弟二王不血食其神龍也舊傳二龍昔居仰山中以其地施仰山祖

師遷居於此廟有陽氏神稱吳時加封司徒竹冊尙存
又稱保太元年予向居鄉得吳江村寺石幢所記亦以
保太紀年蓋錢氏有浙時或嘗用楊氏正朔此二證爲
甚確也出廟三十里至仰山履喬松之磴甚危嶺阪之
間皆田層層而上至頂名梯田晚出山復入袁州

有某求夢於宜春仰山神曰已有牌在外出看牌曰折桂
之步可期仰山之厄難免同來者皆曰仰山神爲風雨
之最惡者也子將來定登鄉薦惟記慎風濤耳後果登
賢書於凡出入鳴葉之風半晦之雲不敢輕舟楫也一
日與同人飲山寺既醉忽失所在寺內山隈徧尋不得

宜春縣志

卷十

雜類 軼事

六

報其家人相與復尋又經兩日忽有一人至墓間見一
碑題曰仰山吳公之墓遂邀其友同搜壙間無跡也一
僧曰吳公尙有妾柩寄某處試往則某之衣角在棺縫焉
漆緘如故眾莫敢開乃白邑宰證而開之其人尙交其
上而死矣蓋與少亡者豔魂遇也獨何以入棺哉仰山
之厄蓋應此

李觀字子範袁州人元豐二年以特奏名推恩尉吉州泰
和縣時豫章先生爲詩贈之曰乃兄自是文章伯之子
今爲夔鑠翁蓋觀乃李觀之弟也觀字夢符初試南宮
賦偶落韻有司愛其策爲取特旨由是登第以著作佐

郎知臨江軍清江縣時歐陽文忠公扶護大夫人喪歸廬陵船過清江大守請公爲文以祭文成守以簡率爲訝觀曰無深訝也旣而文忠擊節稱之其文曰昔孟軻亞聖母之教也今有子如軻雖死何憾尙饗觀初爲大學官因上言役法不合出通判處州題詩一絕於直廳之壁曰十謁朱門九不開利名淵藪且徘徊自知不是公侯骨夜夜江山入夢來後終於朝議大夫載能改齋漫錄

宋初袁州解額以十三人爲率仁宗時郎中查拱之知郡日因試進士以黃萸如散金爲詩題蓋取文選詩青條

宜春縣志

卷十

雜類 軼事

七

若總翠黃花如散金也舉子多以秋景賦之惟六人不失詩意由是止解六人後遂爲額時人嘲之曰誤認黃花作菊花載能改齋漫錄

仁宗時有糊名考校之律雖號至公然尙有認識字畫之弊其後袁州人李彝實請別加謄錄因著爲令載能改齋漫錄

崇勝寺後有竹千餘竿獨一根秀人呼爲竹尊者洪覺範爲賦詩云高節長身老不枯平生風骨自清癯愛君修竹爲尊者卻笑寒松作大夫未見同參木上座空餘聽法石於菟戲將秋色供齋鉢抹月批風得飽無韓子蒼

漫錄
云始黃太史見之喜因手爲之書以故名顯載能改齋

慈化寺旣成尙少洪鐘旋有萍邑田心李昭文願鑄以助
第萍距慈化遠甚不易運送未幾呂洞賓降其家遂將
傘柄挑至寺中師隨手將塵柄一揮接之洞賓恚云我
好意送來何得輕視隨將傘柄劃破鐘腰而去師卽將
鼻涕擦補斷痕至今遺跡猶存寺成師一日騎白牛吹
鐵笛遶黃圃市三匝人不知其何故蓋以自身象己字
牛乃丑字笛七孔象七月遶三匝乃三七二十一示次
年己丑七月二十一日成道如期果卒

宜春縣志

卷十

雜類 軼事

六

明

昔有道士至澄心觀居久之以劍指觀門右東十八步掘
井又前十六步掘池水上一日辭去遺鐵笛金鐘各一
人疑其爲呂巖也因名其井池曰呂公池卽宜春臺下
孚惠泉久爲居民淤占知府范欽始浚之今復淤或以
爲鄰豪占非舊矣

周仲斌薦裏鄉界溪人永樂戊子選貢生任福建邵武府
推官歸得胡桃種手植成樹自明迄今枯而復生者數
次又攜玉鰕一種蓄門首池中移放他處種卽改異如
池涸鰕若無處可尋水滿仍見斌曾署府篆三宦友贈

聯有五年三太守十載一推官句有遺稿遭甲寅寇毀不存

永樂間慈化寺被火災後寺僧首錫募化重建賃萬載匠楊嚴平屬圖稿不成明日忽遇一人授以書乃寺圖稿也後依書豎造高七丈九尺內爲堂屋三進外觀止一棟脊其法柱頭加太枋板板上又安柱頭如是者三故能高至如是後明末忽一柱傾壞仍請楊姓入修治亦照其書改造至今楊姓子孫尙留其書在

宏治時南京龍霓精于文義中壬子書魁乙卯代金都御史澤子達入試浙場中第八又與同中甲科人有詩嘲

宜春縣志

卷十

雜類 軼事

九

之曰阿翁一自轉都堂百計千方幹入場金澤財多子孫劣龍霓家窘手兒長有錢使得鬼推磨無學御將入頂缸寄與兩京言路者好排閭闔說彈章其詩盛傳於時後二人皆不容於清議一止浙僉一止太僕至今科場要令批首立貢院內辨同試者面貌方入蓋由此始載堯山堂外紀

周養室號式南吳江冢宰用第三子嘉靖戊午舉人雋材勁性以門第學問自矜所犯人命數十皆焚屍滅跡無可詰者時邑令爲宜春易鳳坡可久屢索不出庚午春易乘按院張惶宇行縣至吳江決意甘心于周伺其出

接狗諸市使自呼曰爲民誣太守者視此一步一呼不
呼則杖其背盡創豪民子聞難鳩宗族僮奴百許人欲
要篡以歸博雞者逆謂曰若欲死而父卽前門否則闔
門善俟吾行市畢卽歸若父無恙也豪民子懼殺其父
不敢稍動斂眾以去袁人相聚從觀懽動一城郡錄事
駭之馳白府府佐快其所爲陰縱之不問日暮至豪民
第門摔使跪數之曰若爲民不白謹冒使君杖汝法也
敢用是爲怨望又投間蟻污使君使罷汝罪宜死今姑
貸汝後不善自改且復妄言我當焚汝廬戕汝家矣豪
民氣盡以額叩地謝不敢乃釋之博雞者因告眾曰是

宜春縣志

卷十

雜類 軼事

三

足以報使君者未邪眾曰若所爲誠快然使君寃未白
也無益也博雞者曰然卽連楮爲巨幅廣二丈大書一
屈字以兩竿夾揭之走訴行御史臺臺臣弗爲理乃與
其徒曰張屈字遊金陵市中臺臣慚追受其牒爲復守
官而黜臧使者方是時博雞者以義聞東南論曰予在
史館聞翰林天台陶先生言博雞者一事觀袁守雖得
民然自喜輕上其禍非外至也臧使者枉用三尺以仇
一言之憾固賤盤之士哉第爲上者不能察使匹夫攘
袂羣起以伸其憤識者固知元政紊弛而變興自下之
漸矣載高啟書事

袁京卿業泗甲申北都之變憤甚七月寢疾時時詢北事
及金陵新政不置中秋之夕起謂二子繼樟繼梓曰吾
年八十一殆止是矣自是不復食捐館日誡二子以國
恩未報死後當殮以常服卽葬勿封勿樹勿請卹以志
吾過復丁甯曰此地不可居疾入山吾身後當在沙江
一帶云時城居方輻輳二子遵遺訓結茅祖址灰燼中
未幾兵燹交開如公言而沙江者在善和鄉有定安古
刹風公爲諸生時游歷處公達時鼎新之且爲置無利
義谷三百石歲時以餉其鄉士民之貧者別構西寮書
舍羣鄉之子弟肄業其中公猶子江督公寶慶公俱讀

宜春縣志

卷十

雜類

軼事

三

書於此已四紀故公有是言公身後諸子避亂其地多
獲吉而里人禱雨暘亦時應

袁繼成幼聰慧能詩族人聯詩社咸兒戲其側眾厭其攪
擾曳之出咸問曰公等詩會何題也眾曰咏紅菊小子
何知乃援筆立就一絕云自從陶令伴金卮醉到芙蓉
欲笑時血性生來渾不改寸丹留與報君知眾愕然爲
之擱筆咸時年十二羣卜爲非凡器後死國難方知忠
義性成已于是詩見志焉

袁臨侯視事海陵恥阿璫璫坐臨侯朋黨臨侯方拂衣歸
十州縣數萬人嚙指血書封閉城門思擊登聞借寇臨

侯微服出城諸父老遮留皆涕泣海陵故有小園臨侯
顏其軒曰冷笑自號半揖居士鹽漕楊卽權瑞行軍門
體州府而上皆屬禮見居士自武昌來楊遇之甚恭楊
人曰居士能令軍門敬居士曰否禍且不測未幾彈文
及居士走矣居士讀其章有冷笑半揖之句因憶青蓮
大笑居士僅冷笑長孺長揖居士僅半揖嗟乎揖與笑
皆是獲罪如此載芑山文集

吳相國牲憶記云宜春袁繼成提學山西時被誣參攜一
僕赴京予捐俸贈之路費曰敢以清俸用佐廉儉咸辭
不受諸生泣送於途汾州孝廉曹良直爲執鞭弭送至

宜春縣志

卷十

雜類

軼事

三

京邸范廷輔語予云袁僉事臨行簡囊止兩破籠內同
鄉送行銀盃二器舊圓額數套書數本而已此外並無
長物學租皆發賑貧生及置買學田其清如此載寄園
記

郡治北上水關有婦劉氏者廩生楊文盛妻也崇正戊寅
水災龍出水暴至漂其舅柩時夫及子皆館外僕畏水
不敢往救劉自投水若有人擁之行挽柩繫樹前離二
三丈許有一物若牛首壅水中半晌未動後二僕見水
大至爭起劉以上甫登樓而屋畔之高墻傾矣意牛首
者龍也豈亦孝思所感耶龍出處陷地一丈餘在梁家

庵觀音座後與文盛宅鄰近

宜春化南鄉林田石洞深邃廣闊崇正癸未冬左兵慘殺居民無地可避相率入洞內兵以火薰之死者千餘人止一人以身伏地口浸水窟中如蹄涔大得活自後避兵者宜以林田爲鑒云

宜春江東居民李某左兵入其鄉搜匿山之眾盡殺之或一兵而索賈數十人人某居炮烙淫殺眾以爲官兵不敢犯某曰殺人者賊也天下豈有官兵殺人之理乎願棄所居燔之庶可稍緩旦夕不然無噍類矣眾從其約夜執械負薪圍燔之兵見火起以銀撒地曰取金某曰

宜春縣志

卷十

雜類 軼事

二十六

此誘我也盡力燒殺之遂據飛劍潭以自守潭上一帶幸免左兵之患

董籬盆不知何許人游藝袁城以籬盆爲業人遂呼爲董籬盆闌闌中罔不熟識衣衫襤褸自若萬厯間某郡守乏嗣立愿鑄銅神像數尊鎮北極行宮以募簿屬首事醵金匝月無踴躍樂助者董每經過輒顧盼其簿或嗤之曰汝亦能助緣乎則曰不慙慙至再至三悉如是答首事見衣不蔽體且厭其溷答復謔之曰汝願繼此盍修一尊乎又答如故因詰所以乃曰吾欲修第一尊方好恐郡官阻首事異之白郡守守大悅曰人有善念

第一尊何必我於是告董隨至董所董於敗篋中取白金一百兩交訖無後言遂鑄中尊像越日郡守長出道經董所從者指謂曰此樂助修佛董籓益家也郡守懼欲一視但見門微開啟視之則沒矣側身僵地髻露半郡守急索筆硯就髻書云董籓益董籓益修佛要修第一尊死後現出半邊髻命從者殮葬之郡守妾於是夜分婉見爛衫人影入門及浴兒髻上二十字墨跡宛然父老相傳爲積善之報云

皇清

正字通爲宜春張爾公先生著先生隱廬山沒無子南康

宜春縣志

卷十

雜類 軼事

三五

守廖文英得其書梓之遂爲己物太守卒粵有耿逆之變家道中破其子以所鐫板售於連帥劉炳適海幢僧阿字來連知是書起末爲言于炳因改刊歸先生仍以剗劂之功屬廖氏而海內始知正字通所自出論者謂此書非太守所得則常人亦無力出之散逸正未可知非其子以板轉售則是書亦無從改正蓋文人精神攸寄久而自彰固不可滅沒亦不可掩襲若或使之有如此者而阿字以方外炳以武人能使張冠李戴之書數十年後仍完趙璧並有功于藝林爲可傳云載妙貫堂餘譚

順治丁亥奇荒二三四五月餓死者不可勝數有一老人極貧僅餘一月糧曰前輩有言人日食米一合可數月不死不然男僅五日女僅七日耳乃以其米分食之日食一合雜野菜中啖之果得不死亦備荒者所宜取法也

袁帝才妻滿姑邑庠生徐鈴女甫生一月母沒後父又沒伶仃孤苦依寡繼母施爲命年十八歸帝才未及三年帝才故矢志守節有勸其改適者輒艱然拒之迄服闋日哭其夫且數告夫靈曰長逝者可邀我從地下俱矣自是以後日見其夫或相與執手語問答如生時夜則

宜春縣志

卷十

雜類 軼事

三

與共枕席又時有礮內灰布置榻前如是者閱月果卒人咸驚異

西坑易命甫身願而長膂力過人手用雙鐵鏡重八十斤運動如飛以多鬚人呼易鬚子康熙間棚寇朱益吾犯境賊黨千餘駐營近地易募健兒二十人夜伺賊熟寢積薪營外四周結繩亢之齊舉火二十人闖如虓虎時風火相趨一營皆驚走遇繩輒仆火光中縱刀砍之殲數百人餘黨奔竄賊鋒遂挫旣屢破賊協鎮趙奏名授職辭不就其智勇能護生民而品行高潔又如此

雍正六年薦裡鄉魯溪有龍從石洞穿出其經過石上轉

折鱗甲痕迹宛然蛻骨於洞土人取之酬值甚厚
雍正甲寅春三月善和鄉橫塘池中石洞掘得鯁魚一片
頭有綠毛長尺許大如甌碟之作故故聲先是天陰欲
雨每有白霧一綫從洞中飛出自是霧絕而洞亦淤塞
乾隆二十年三月二十日袁起泮妻孫氏紡績庭前忽起
視空中雲托二人一執雨蓋一作遙指狀自東而南而
西急呼家人十數輩視之忽爾紅雲擁接遂不見起泮
性孝友質直好義素不喜聞虛誕至是始識書傳神仙
躡虛之說夫婦年皆八十餘卒

袁州府署後園有大樹高十餘丈每夜有兩紅燈懸其巔

宜春縣志

卷十

雜類 軼事

三

或近視之必有泥沙拋擲春夏則蜈蚣蛇蠍下焉人以
故不敢狎褻乾隆年間有敏姓者來爲太守惡其妖召
匠伐之竄僚妻子無不諫者敏不爲動自坐胡牀督匠
伐樹樹上飛下白紙一張上有字數行墜敏懷中視之
色變而起亟揮匠散至今大樹猶存然終不知紙書何
語敏亦終不爲人言

韓塘職員袁松妻潘氏沒後七夕天尙清明忽大風振林
木有五彩蝴蝶從天井下飛翔靈几移立木主上三日
仍從天井飛去視之有鬚粉狀屆週七生小黑蟲蠕蠕
然動計之二十有四未爲奇也及算潘兒媳孫曾恰符

其數亦異甚

明進士袁魯訓橫塘人忠毅公繼成之曾祖也幼聰慧賦
桃花馬詩以見志識者已知其不凡其詩云嬌姿獨冠
衆芳鮮誰把驂騮體上粘紅錦采開金勒外臙脂色點
玉鞍邊風吹幾度何曾落雨濕三春依舊妍試向滄波
深處浴魚龍驚起浪滔天

周先生者名杜監妻金氏邑之蘿葡坑人從真人學道歸
因本境田多怯旱手携稻藁三十六莖處處向人散之
人不知受先生不得已悉置於本境塚中塚忽湧出三
十六泉人始驚異先生遂偕婦仙遊合葬塚坡顯靈護

宜春縣志

卷十

雜類

軼事

三

民土人卽塚前建祠置香火田三十畝以供廟祀每年
中秋之夜月朗星輝輒見各泉隱隱有金龍踴躍好事
者以竹竿挑視之則仍然稻藁耳

羅紳本邑人明季宰廣東石康禦賊殉難土人立廟祀之
見前志忠義列傳咸豐初年股匪李士諳劉八等竄擾
廣東廉州及粵西橫州過石康墟見旗幟如林皆羅字
號大驚而遁官軍因之追勦殲賊甚多時邑人甘槐爲
靈山令靈山卽石康舊治也稟

憲題

奏封壯烈伯疊著靈顯

跋

嘗聞作史有三長曰才曰學曰識史誠有之志亦宜然
然僕竊歎修志有四弊率略者姑無論焉乖體例也徇
請託也避疑謗而釣名譽也弊之所積與其所極總括
之曰濫而已夫邑志宜詳詳則著著則明言皆傳信事
皆紀實若至於濫則似詳而並非詳淆亂無章多所抵
牾黨同阿好粉飾牽強或明知舊志之荒謬處冗雜處
矛盾重複處而慮其人之後裔有違言又以其非我所
爲也漫遷就焉應芟夷者弗芟宜改正者憚改况乃勦
襲羣言自矜考据蔓語支詞於本邑實無關涉欲沽博

宜春縣志

卷十

跋

治之名不值大方家一喙諸如此類流弊良多等而下
之藉以罔利者則又不必論焉矣僕學淺才庸識見謏
陋忝襄斯役兢兢焉恐積弊之仍蹈惟與同事共勉謹
遵憲頒格式不敢以率略從事卽近所採訪并刪訂前
志編輯若干卷質之大雅君子匡其不逮重加釐定焉
則斯志之幸尤僕之厚幸也夫

昔同治九年庚午嘉平月既望邑人陳 瑜謹跋

跋

同治己巳冬 中丞劉公將有續修通志之舉先飭各州縣編輯成帙以備采擇時路公子霖素慕於下車之始即殷了以是事負屬琳惟官志之修自是光緒未浚距之垂五十載矣其間營建斌後仕宦科名迭欠錯出矧丁喪亂之餘壯女節婦或死後或殉義麟炳尤於闡揚有賴烏琳不敏其敢函奉從事多誣謬之感心中爰是商之同事酌其體裁倣史家八書十志之例以綱繫目分門十其目五十有四多以類從藝文一志除經史子集外俱散見於各條之下惟無所附者另

宜春縣志

卷十

跋

錄於浚謂之文徵皆恪遵通志凡例採訪章程而互參以前三志之式庶浚之賢者開卷瞭然可以肩翻擬之勞而無後禱之嘆矣若夫舊志所載宜因者因之固不敢聰明自作徒涉紛更其或繁稱博引每當事實及訪文雜著自據懷抱而於是非毫末罔涉者概從芟夷尤不敢訛謬相沿心所謂遠而後蹈之也諺曰莫為之前雖美弗彰莫為之後雖盛弗傳昔賢可作或不致引以為嫌亦至於精神之所不及識力之所未周乖舛之弊疎漏之譏知仍不免諸君子幸諒之悔之同治改年庚午嘉平月邑人李佩琳謹跋

